

**ESTUDIO DEN CUIDO TA
REKERI DEDICACION,
DISCIPLINA Y HOPI APOYO**

HOH ta celebra graduacion di 29
profesional den cuida



WWW.SOLODIPUEBLO.COM



SOLODIPUEBLO@GMAIL.COM

RAAD VAN ADVIES TA DESCALIFICA E MANERA CU AVP FUTURO TA ORGANISA E MINISTERIONAN DEN LEY DI LIM

Un concentracion di poder politico sin logica
cu ta pone Aruba na riesgo



MI TA CONDENA E FALTA DI RESPET Y TRANSPARENCIA DI GOBIERNO Y E FALTA DI PRESIDENTE PA EXIGI ESAKI



DISSHETE CIUDADANO PORFIN TA DOÑO DI NAN MESUN CAS



BRANDWEER MESTER A BAHAM TURISTA CU A BIRA MALO FOR DI HOOIBERG




Hooiberg - Dialuna merdia pasa di 12'or por a mira actividad na pia di Hooiberg. Polis, brandweer y ambulance tawata eynan.

Ariba por a mira polis y Paramediconan.

Abou bomberonan tawata wardando e canasta den a truck di materiaaawagen yega pa nan subi y asina bin e persona abou. Nada facil.

A resulta cu nan a subi pa yuda nan coleganan Paramediconan pa baha un turista masculino cu a bira malo riba e cero. Tur esaki den e solo cayente.



Parlamentario Shailiny Tromp-Lee: MI TA CONDENA E FALTA DI RESPET Y TRANSPARENCIA DI GOBIERNO Y E FALTA DI PRESIDENTE PA EXIGI ESAKI

Durante reunion publico tratando e Ontwerp-Landsverordening Instelling Ministeries (LIM) awe, mi a cuestiona e proceso y e contenido di e ley fundamental aki cu ta stipula e structura di e aparato gubernamental pa e proximo añanan.

Como parlamentario mi a exige pa nos preguntanan keda contesta. Preguntanan esencial cu Gobierno a negligisha di contesta por escrito. Sigur durante e prome tanda di e reunion mi a enfatisa cu henter e proceso cu e concepto di ley aki a cana ta un "muestra di un falta di respet inaceptabel pa e democracia y pa e funcion cardinal di control di Parlamento."

Falta di respet pa Parlamento
Mi a adverti contra un patronchi peligroso, causa pa Gobierno y tolera pa Vice-Presidente y Presidente di Parlamento cu ta mina autoridad di Parlamento:

- Parlamento a haya solamente 24 ora pa lesa, analisa, y haci pregunta riba e concepto di ley, 24 ora so compara cu e 10 dia cu a keda duna na 2022;
- No a tene cuenta cu 8 parlamentarionan cu tabata na reunion di Parlatino cu atendiendo otro reunionnan;
- Contesta superficial: Gobierno a contesta e 178 preguntanan di Fraccion di MEP mediante solamente 11 alinea di texto, nengando di contesta cada pregunta individualmente. Nan a "skirbi pa skirbi" y no a contesta e preguntanan di berdad;
- "Falta di Tempo" di parti Gobiernotainaceptabel: Gobierno a skirbi sin ningun berguensa:

"Vragen en opmerkingen waarop als gevolg van tijdsgebrek... in deze nota niet wordt ingegaan" ('Pregunta y remarkenan cu como resultado di falta di tempo... no ta wordo contesta den e nota aki').

Di unda ta sali cu Gobierno ta duna remarkenan asina? Riba dje nos no a haya tempo suficiente pa haci nos preguntanan y awor esunnan cu nos a haci no ta keda contesta debidamente. Asina tin hopi mas. Un falta total di seriedad y muestra di responsabilisacion.

Gobierno, y den cierto sentido Presidente di Parlamento cu ta coopera na esaki, ta trata Parlamento como un organo cu no merece e debido atencion y respet, y kier mina e credibilidad di henter e proceso legislativo. Gobierno ta debidamente informa cu Parlamento ta bay cu reces dia 19 di December y no a atende e 3 concepto di leynan cu prioridad y awor nos ta keda obsticulis pa haci nos trabou di control manera mester ta.

Mi a urgi Presidente di Parlamento pa cuminsa para pa e organo di mas halto di e pais aki, y exige respet. Gobierno mes ta laat, y Presidente di Parlamento mester a haci lo corecto, atende cada ley responsablemente y nos lo caba cu tratamiento y votacion na inicio di 2026.

Presidente di Parlamento, irrespecto di cual partido e ta, mester ta esun cu ta percura pa respet y democracia reina den sala di parlamento. E ta esun cu mester percura pa



duna e Parlamento e tempo y e cooperacion necesario pa eherce nos rol di control debidamente. Mas ainda un Presidente cu ta respeta democracia parlamentario sigur no ta cumpli cu peticion di Gobierno pa bulldoze 3 ley den 3 dia (mas sigur ta bira 5 dia), un di nan cu ta presupuesto di pais Aruba pa 2026, e ley mas importante cu nos ta trata aki den sala di parlamento tur aña!

Mi ta condena e falta di respet inaceptabel di Gobierno cu a duna Parlamento 24 ora so pa un ley fundamental, y a contesta 178 pregunta cu un excusa barata

di "falta di tempo". Esaki ta un patronchi peligroso cu ta mina e funcion di control. Si e pilar di control (esta Parlamento) ta keda destrui pa esunnan mes cu mester protege, kico ta e balor berdadero di e asiento cu cada parlamentario ta ocupa y di bo bos como pueblo?



ESTUDIO DEN CUIDO TA REKERI DEDICACION, DISCIPLINA Y HOPI APOYO

HOH ta celebra graduacion di 29 profesional den cuido



Den presencia di sra. Mervin Wyatt-Ras, Minister di Asuntonan Social, Salud Publico, Cuido di Adulto Mayor y Adicto, tambe Hunta di supervision di HOH, Hunta di Directiva di HOH, representante di IMSAN, famianan y amigonan orguyoso, HOH Academy a celebra e graduacion di 29 profesional den cuido. E anochi tabata yena di emocion y orguyo, destacando e crecimiento di profesionalnan den cuido na Aruba y alabes e papel importante cu HOH-Academy tin den formacion di nos profesionalnan den cuido.

Elogio

E anochi a habri cu palabra di orguyo y satisfaccion di Lenie Denteneer, Manager HOH-Academy cu a brinda elogio na cada graduado y tambe e team di HOH-Academy cu ta guia e graduadonan pa asina cada uno logra nan meta.

Gregory Coeze, miembro di Hunta di Directiva a expresa: “mi tin un gran aprecio pa cada graduado paso boso ta contribui directamente na e futuro di cuido na Aruba. Boso profesionalismo ta haci nos sistema di cuido mas fuerte, mas humano y mas resiliente. Aruba por ta orguyoso di boso.”

Graduadonan

Diferente estudio, pero cada uno enfoca riba un solo meta cu ta brinda cuido di calidad specialisa cu ta safe pa comunidad di Aruba. E 29 graduadonan, di cual tres di nan ta coleganan di ImSan, a gradua den e siguiente specialisacionnan cu ta operatieassistent, anesthesiemedewerker, dialyseverpleegkundige, oncologieverpleegkundige, intensive care verpleegkundige, sedatie-praktijkspecialist, vaattoegangverpleegkundige,



SEH-verpleegkundige, deskundige infectiepreventie y post-HBO echografie abdomen specialist. Nan formacion ta contribui directamente na departamento di emergencia, cuido cronico, cuido compleho y tambe prevencion na nos isla.

Gratitud

E diploma aki ta tambe ta di esnan cu ta mantene cada estudiante enfoca durante e trayecto. Pues un danki ta bay na cada miembro di famia y tambe colega cu a sostene e graduadonan durante

nan trayecto. Tambe palabra di gratitud na e docentenan cu a guia e studentenan te na e meta final. Estudionan den ramo di cuido ta rekeri dedicacion, disciplina y hopi apoyo pues pabien cu boso gran logro!

Un pabien di curason ta bay na cada graduado di parti di Hunta di Directiva di HOH, management y staf completo cu ta super orguyoso di cada uno di boso. Sigui semper t'ey pa nos pashentnan y comunidad di Aruba!

Parlamentario Xiomara Maduro: RAAD VAN ADVIES TA DESCALIFICA E MANERA CU AVP FUTURO TA ORGANISA E MINISTERIONAN DEN LEY DI LIM

Un concentracion di poder politico sin logica cu ta pone Aruba na riesgo

Despues di varios luna, finalmente Gobierno di AVP FUTURO a presenta e cambio na Ley di Landsverordening Instelling Ministeries (LIM). Segun Raad van Advies, e manera cu AVP FUTURO a structura e ministerionan carece di logica y ta representa un riesgo serio pa Aruba. Raad van Advies a rechasa e organisacion proponi pa Mike Eman y e resto di Ministernan di AVP FUTURO.

Ministerio di KOJIS ta e mas problematico. Raad van Advies a indica cu e combinacion di cartera cu tin menos coherencia ta e Ministerio di Relacion di Reino, Enseñansa, Hobennan, Innovacion y Deporte (KOJIS), bou di responsabilidad di minister Gerlien Croes.

Minister cu 5 ministerio ta receta pa fracaso. Segun Raad van Advies, duna cinco cartera diferente na un solo minister ta un experimento peligroso cu futuro di pueblo. E carteranan no tin relacion directo entre nan, y cada un riba su mes ta exige hopi atencion y capacidad. Door di combina nan, e focus di gobernacion ta bay perdi y e trabou ta keda incompleto, cu resultado negativo pa comunidad.

Posicion di Aruba den Reino ta wordo debilita. Raad van Advies tambe ta adverti cu Relacion di Reino ta un cartera altamente sensitivo y strategico. Combina esaki cu Enseñansa, Hobennan, Innovacion y Deporte ta kita e atencion y diplomacia necesario pa defende interesnan di Aruba



den Reino Hulandes. Tradicionalmente, Relacion di Reino ta wordo atendi pa Minister President, como cabes di e gabinete. Den e gobernacion di AVP

FUTURO, sinembargo, e cartera aki a wordo combina pa conveniencia politico, algo cu por debilita Aruba su posicion den Reino Hulandes.

Concentracion di poder sin logica y cu riesgo pa Aruba. Parlamentario Xiomara Maduro ta expresa su preocupacion cu AVP FUTURO ta trata asunto serio como instrumento di wega politico. E organisacion di ministerionan mester wordo basa riba efectividad y interes di pueblo, no riba concentracion di poder. Segun Maduro, specialmente e structura di Ministerio di KOJIS ta crea un forti di poder politico cu no tin base logico y cu ta pone bienestar di Aruba na peligro. Ta lamentabel cu parlamentarionan di AVP FUTURO no ta worry cu e consejo di Raad van Advies y no ta realisa cu un concentracion di poder asina ta irresponsabel y ta perhudica e pueblo cu nan a huramente pa representa y defende.

TUMA ACCION PA PREVENI, PROTEHA Y STOP DENGUE CON NOS POR STOP DENGUE?



DIRECTIE NATUUR EN MILIEU (DNM) LO TA CERA PA E TEMPORADA DI DIANAN DI FIESTA



ORANJESTAD - Den cuadro di e dianan di observacion y celebracion di Pasco di nacemento y fin di aña 2025, DNM su oficina situa na edificio monumental di Uncle Louis Store na B. v/d Veen Zeppenfeldt straat#7, San Nicolas lo ta cera pa publico desde dialuna 22 di december 2025. DNM lo ta habri bek dialuna 5 di januari 2026.

Pa cualkier eventualidad por manda nos un mensahe via nos plataforma di Facebook messenger

#dnmaruba of via email info@dnm-aruba.org. Pa cualkier 'melding' cu emergencia cu tin di haci cu naturalesa y medio ambiente por haci esaki via KPA Polis.

Nos ta na drempel di fin di aña 2025. Nos a sirbi nos dushi pais y nos a crece como persona. Cu placer nos ta wak bek riba un aña unda nos a haci un stap mas den un direccion unda naturalesa ta mas inclui.

Danki pa sostene nos trabou.



DNM ta desea un y tur feliz dianan di fiesta, feliz dianan di Pasco y un Prospero Aña Nobo unda naturalesa ta sigui prospera den

2026; ta e sincero deseo di team Directie Natuur en Milieu Aruba.

WARDACOSTA TA YUDA BARCO DI BELA

Ayera den oranan di madrugada Wardacosta a risibi un notificacion di e boto White Cloud cu tabata tin problema riba lama. E capitan a notifica cu su boto tabata tin problema cu motor y cu e no por a sigui nabega. E punto di sosten di Wardacosta na Aruba mesora a dirigi un patruya pa bai na localidat di e boto den sercania di Aruba.

Na momento cu e boto di patruya a yega na e localidat di e boto, e boto patruyero di Wardacosta a tou e boto cu dos persona na bordo. Wardacosta a hiba e boto na Barcadera, caminda White Cloud por a mara safe. Wardacosta ta

avisa doñonan di boto pa hasi mantencion regular na nan botonan. Pa nan propio seguridad na bordo mester tin: suficiente chaleco di salbabida, un flashlight ku bateria y un pitu, un EHBO kit, suficiente awa, aparato pa paga candela, VHF radio of un celular full di charge.

Evita e chens di un accidente of situacion peligroso riba lama kubo boto of seadoo. Den caso kubo mester di yudansa bo por yama Wardacosta riba 913 of e whatsapp number 005999 510 0913. Gosa di lama y beachnan na un manera safe.



CAPACITY BUILDING TRAINING A TERMINA CU PRESENTACIONNAN DI NIVEL

Federacionnan miembro di Comité Olimpico Arubano a presenta nan Plan Strategico



Despues di varios tayer y sesionnan di “feedback” durante e ultimo 4 luna, varios federacion miembro di Comité Olimpico Arubano (COA) a entrega nan proyecto cu cual a finalisa e “Capacity

Building Training” (CBT) fase 2. E fase aki tabata tin como meta pa yuda e federacionnan miembro di COA yega na un plan strategico pa asina mehora e nivel di maneho deportivo. Un gran



cantidad di federacion a logra entrega esaki y despues di un evaluacion di e profesionalnan cu a aporta na e curso aki, a escoge e tres mas desaroya pa asina presenta durante Asamblea General di COA. Aki nan a presenta nan plan dilanti di tur hende presente, pa asina conta kico nan a traha riba dje pero tambe pa mira ken ta termina cu e miho plan strategico di CBT fase 2.

Despues di e presentacionnan, tur hende presente den sala a

vota electronicamente, unda a yega na un empate pa e di prome lugar. Directiva di COA a mira e gran esfuerzo haci door di ambos federacion y a dicidi di duna cada un e premio di prome lugar. Cu esaki Aruba Athletics Federation y Aruba Aquatics Federation a termina a empata pa premio ganador y Aruba Triathlon Association a keda na di tres lugar. COA ta felicita tur tres federacion cu a logra sali den e top 3, ademas di tur otro federacion cu tambe a

participa. COA a otorga un certificado di participacion pa cada un cu haci nan esfuerzo pa asina tambe logra traha riba un plan strategico.

Como a yega un empate imprevisto, a prepara e “cheque” nan nobo pa e federacionnan ganado y esakinan a wordo entrega hunto cu e suma gana na cas di COA. Awor tur cos ta cuminsa cana pa asina prepara CBT fase 3 cual lo cuminsa otro año. #TEAMARU

Minister Rene Herdé: NOS A LOGRA PA 17 FAMIA TA DOÑO COMPLETO DI NAN CAS



Minister di Vivienda, Infraestructura y Telecomunicacion, drs. Rene Herdé tawata tin e honor di ta presente diabierna 17 di december na Fort Zoutman durante un momento historico pa Aruba.

Durante e atardi, categorisa como un regalo di pasco, 17 doño a firma e erfpachtake pa bira oficialmente propietario di nan cas. Esaki a tuma luga den un esfera ameno cu presencia di famia, representantenan di DLV, DIP, FCCA, notario Yarzagaray y su team.

Durante su presentacion Minister Herdé a menciona cu e ta imagina con e 17 famianan a anhela pa haya un cas y a traha duro pa por paga p'e y awo porfin por bisa cu no solamente a haya un cas pa biba aden, pero cu hopi orguyo por bisa esaki ta MI cas. Minister a recorda tempo

el a haya oportunidad pa bay studia den exterior y tawata manda carta pa su mayornan y con su mama tawata puntra: "Mi yiu, ki dia bo ta bin cas." E hecho cu bo por bay un luga caminda bo famia y sernan keri ta y bisa mi ta bay cas ta dushi. Mas importante ta ora bo sa cu e cas ey ta di bo y cu e ta keda di bo, no djis como propiedad, pero e ta e fruto di bo sodo, bo pasenshi, bo persistencia y cu abo por dicidi despues si bo ta pas'e pa bo famia y yiunan. Un logro asina ta haci bo rico como hende y famia.

Minister a bay bek den historia y recore pasado durante e prome gobernacion di Aruba despues di Status Aparte ex-mandatarionan manera Henny Eman, Watty Vos, Mito Croes y Manchi Engelbrecht (d.f.m.) a papia tocante e logro aki. Con por percura pa

hendenan manera esnan presente, cu pa añanan largo a traha y paga tur luna, pa asina nan por bira doño di nan cas. Esaki tawata algo desconoci pa nos isla, pero e tawata cuadra den e pensamiento y vision di e prome gobierno di Aruba. Un di e metanan di e tempo ey tawata pa construi un pais pa tur hende y percura pa nos hendenan tin nan propio cas y asina e idea a nace pa bosonan bira doño di boso propio cas.

Minister Herdé a termina bisando cu danki na e persistencia di e tempo ey y persistencia actual di Prome Minister Mike Eman, awe por cuminsa cu e prome 17 famianan di e grupo grandi cu tin hopi tempo ta warda y porfin por bisa cu nos a logra pa e simia cu a wordo planta e tempo ey, awe a florece y por corona esaki cu boso firma. Pabien di curason!

APELACION CASO PENAL 'NEW YORK'



E citacion den e caso 'New York' a keda entrega awe na un sospechoso di inicialnan N.M.Q.C.d.A.

Den e caso penal aki un total di cinco persona a wordo condena pa malversacion,

violacion di secreto profesional, abuso di funcion y soborno. Cuatro di nan a dicidi pa acepta nan condena. Ministerio Publico tambe a dicidi pa retira su apelacion den e cuatro casonan aki, loke ta nifica cu e sentencia di hues den Prome Instancia a bira irevocabel y por wordo ehecuta. Ministerio Publico kier hasi huso eficiente di e espacio limita pa trata caso cu Corte Comun di Husticia ta dispone di dje. Door cu e cuatro casonan aki no mester bin dilanti mas, tin espacio pa otro casonan penal, por ehempel di violacion of homicidio, cu pa motibo di esaki e Corte Comun di Husticia por trata nan mas lihe.

Pa motibo di e espacio limita pa trata caso cu Corte Comun di Husticia ta dispone di dje, Ministerio Publico ta manda carta pa sospechosonan cu lo por bin na remarke pa apelacion, pa por sa di antemano si nan ta desea pa sigui cu nan caso den apelacion (hoger beroep).

Asina cos a bay den e caso aki tambe y a resulta cu solamente e sospechoso C.d.A. a dicidi pa no acepta su condena. Pesey e caso lo wordo trata den forma di regie-zitting dilanti Corte Comun di Husticia dia 9 di februari 2026. Expectativa ta cu e tratamiento den su contenido lo tuma lugar den e prome mitar di 2026. Na

un regiezitting e Corte Comun di Husticia ta tuma solamente desishon riba e pregunta si tin mester di investigashon adicional..

SECRETO PROFESIONAL

E caso penal 'New York' ta trata di corrupcion den funcion publico y violacion di secreto profesional door di un agente policial y varios periodista den e periodo di januari 2021-maart 2023.

Corte den Prome Instancia a condena e agente policial na december 2023 pa malversacion, violacion di secreto profesional, abuso di funcion y soborno pa un castigo di prison di 16 luna, di cual 8 ta condicional, y un prohibicion pa eherce su funcion pa un periodo di 3 aña.

E otro personanan a wordo condena na castigonan di prison y castigo di trabou comunitario na december 2024 pa corrupcion y complicidad den violacion di secreto profesional.

E sospechoso C.d.A. a haya un castigo di prison di 18 luna, di cual 12 ta condicional, y un tempo di prueba di 3 aña.

Percepcion mediatico

E caso aki a nifica un periodo dificil den percepcion mediatico, mirando cu cuatro di e cinco sospechosonan ta periodista. A surgi e impresion cu lo tabata trata di un atake contra libertad di prensa y di e derecho di periodista pa haci investigacion di noticia.

Sinembargo, en realidad e caso ta trata di un agente policial cu den su funcion tabatin acceso na radio di polis y na comunicacion interno di Cuerpo Policial. E tabata sa cu e comunicacion aki ta destina solamente pa polis y no tabata mag di cay den mannan robes. No obstante, el a duna e sospechoso y e otronan involvi acceso. Nan a scucha durante un periodo di casi dos aña tur comunicacion cu tabata pasa via radio

di polis.

Segun hues den Prome Instancia e scuchamento aki tabata tuma luga unicamente pa beneficio personal, bentaha financiero of buscamiento di sensacion. Hues a bisa cu esaki no solamente a viola privacidad di ciudadanonan di Aruba, sino tambe e confiansa cu e ciudadano por tin den Cuerpo Policial y den e forma cu polis ta trata cu informacion sensitivo di privacidad.

Hues a tuma cuenta na ora di disidi e castigo pa C.d.A cu e hecho cu e sospechoso aki a yega di wordo condena den pasado caba pa hechonan similar na un castigo maximo di trabou comunitario y un castigo di prison condicional. Es mas, e hechonan den e caso 'New York' el a comete durante su tempo di prueba mara na e castigo condicional. Hues ta considera cu esaki ta muestra cu C.d.A. no a siña di e condena anterior y a bolbe viola ley.

Durante e hoger beroep, e Corte Comun di Husticia lo evalua si e hechonan pa cua a wordo condena na Corte di Prome Instancia por wordo proba. Den e mesun proceso lo wordo contesta tambe e pregunta si por papia di 'participacion den un organisacion criminal', y finalmente cua pena ta adecua.

LIBERTAD DI PRENSA

Libertad di prensa ta un derecho fundamental cu mester wordo respeta y proteha, pero e tin limitenan hopi duidelijk. E no por sirbi nunca como un licencia pa haci cosnan contra ley. Solamente den casonan excepcional, ora ta imposibel pa expone un maldad grandi sin kibra ley, lo por hustifica un apelacion riba e derecho aki. Den e caso 'New York', hues a wak especificamente si por papia di algo asina, y a huzga cu no tin ningun indicacion di esaki.

FIN DI AÑA TA DUSHI... PERO CUIDA BO MES

E fiestanan ta serca y tur caminda bo ta wak e imagen ta wordo pinta cu hopi gezelligheid manera bunita luz, dushi cuminda y momentonan perfecto. Pero hopi hende ta experiencia e otro banda tambe: mas presion, mas compromisonan, mas di cosnan cu "mester". Prome cu bo por bisa tur hende "bon pasco" ya e temporada aki ta sinti mas mane un marathon y menos mane un temporada di sosiego y reflexion.



DESEMBER 15, 2025 STATUTO, DIA SKUR REALISANDO INDEPENDENSIA PA KORSOU, ARUBA I SINT MAARTEN

Awe 15 di desember 2025, “ta un dia masha skur mes pa nos pueblonan respeta na Korsou, Aruba i Sint Maarten”. “Dia ku e Koninkrijksstatuut ta kumpli 71 aña di ekstsensia”, “sin nunca a yega di wordu evalua conforme e Balornan di e Nashonalidat Hulandes NASI di nos tres pueblonan den Karibe Hulandes”. For di 10 di oktober 2010, fecha historiko ku Politiek Den Haag a Drenta Un Epoko Nobo ku tur nos seis berdadero ISLANAN Hulandes Tan Stima, Determinadamente i Definitivamente e “Areglonan Estatal” – “Pais Outonomo”, “Sin Piedat ta Sakando Nos tres berdadero Islanan for di Reinado Hulandes”. “Ta di lamenta ku NO por tin ningun diskushon posibel riba e Reralidat di Bida Doloroso aki, sigur NO na Nivel Akademiko, prinsipalmente pa Destino di Nos Propio Pober Kriaturanan i Hobenan NASI ku e nashonalidat Hulandes”. “Nan – den es Mundu Ekstremadamente DIFISIL aki - ku ta Legitimo FUTURO di nos berdadero ISLANAN Tan Stima, Aruba Tantisimo Stima pa mi persona i NO nos komo adultonan riba 35 Aña di Edat”!!

Gravisimo erornan historiko nos representantenan a komete ku introdukshon di e Statuto introdusi 15 di desember 1954, dor di e pone Outonomianan Sentral i Dominante komo fundeshi di e Statuto I NO e Balornan di Nos Nashonalidat Hulandes NASI den Karibe Hulandes. Nos niun a yega di nase ku un KOS ku yama Outonomia, ku ta pone nos pueblonan den Karibe Hulandes Kumpli Striktamente ku Debernán SO, Sin Ningun Derecho Fundamental, sigur NO Derechonan Hulandes conforme e Tratado Internashonal di ku i pa ku Nos Derechonan Humano kual Politiek Den Haag a Akorda pa Nos ku Nashonan Uni dia 10 di desember 1948, esta seis aña prome ku e Introdukshon di e Statuto. Skohe pa Outonomia, konsient of inkonsientemente

ta un Gran Falta di Respet pa Memoria di Boy Ecury, kende den Segunda Gera Mundial, den e Kuerpo di Resistensia, den luna di november 1944, dies aña prome ku e introdukshon di e Kontrakt (Koninkrijksstatuut), a Entrega i Sakrifika su tan balioso bida pa Yuda Salba Su Nashonalidat Hulandes, di su grandinan tambe i di nos tur ku a bin ta sigi despues. “E NO a entrega/sakrifika su tan balioso bida pa yuda Salba un Kos ku yama Outonomia”, ku ta hasi nos entre otro “Partnernan DESIGUAL hasta den tur sentido di palabra den e propio Koninkrijk der Nederlanden aki”. Aki na Hulanda, entre otro, den luna di februari 1997, nos a Ekperensia e Projekto: “Project Zwart Bewustzijn voor Antillianen en Arubanen”, “NO bou Inisiativa di Nos Partnernan Oropeo”, “Partnernan Desigual pues Leuw den Ekstremo”. “Mira den Ki Mundu Nos ta Bibando”. “Om te JANKEN met de hoed op”!! NO ta debi na un of otro “Kolo di FERF” nos hendenan respeta por ta studia of biba den e Parti Oropeo aki di Reinado Hulandes, “sino debi na e Hecho ku Nos ta NASI ku e Nashonalidat Hulandes den Karibe Hulandes”. “Di Naturalesa Nos Sernan Humano” por ta “Rikamente Kubri” ku “PIGMENTU Tropikal”, “den Nos Kueru Humano” of “NO bou nos prohimonan di Origen Oropeo di Klima Frieuw”, “Kreashon di Dios Kreador den” – “PAS”!!

Algun luna prome ku e Statuto a kumpli 50 Aña di Eksistensia 15 di desember 2004, den luna di oktober e aña ey “Raad van State” a Bati Alarma riba e OUTONOMIANAN Fundeshi di e Statuto den puNto 2 di su rapport “Nu kan het nu moet het”. “Nomber di e rapport di URGENSIA pa Kambia Nos Relashonan ku Hulanda prome ku ta Demasiado Lat”. Prome ku e rapport aki, relashona ku e mesun 50 aña ey di Statuto, den e programa di telebishon NOVA dia 17 di juni 2003, Prof. mr. Pieter

van Vollenhoven komo voorzitter di e ‘comité 2004’, ku a Stop di Eksisti 15 di desember 2004, Fabor NO Spanta, a deklara: “Het Koninkrijk der Nederlanden is een fictie. Nederland zou alle zes eilanden behorende tot het Koninkrijk der Nederlanden, gemeenten moeten laten worden van Nederland”. Ta Mas ku LOGIKO ku for di introdukshon di e Statuto Nos Relashonan ku Hulanda via introdukshon di e Statuto, te ku e dia diawe na final di aña 2025 ta un “Relashon” – “FIKTISIO”. Masha LOGIKO pa e Simpel Hecho di “Pais Outonomo” ta “nada otro ku un Areglo Estatal di “INDEPENDENSIA” pa “tur miembronan ku ta Karga e Areglo Estatal FATAL aki”. “Logiko FATAL pa e Nashonalidat Hulandes” NASI di “tur nos pueblonan OUTONOMO den Karibe Hulandes”!!

Dia 25 di november 1975, “Pais Outonomo” – “Surnam”, a bira “INDEPENDIENTE” di Koninkrijk der Nederlanden, anto ku “Tur Respet NO Spanta”: “Sin Referendum”. Anto mas despues, dia 10 di oktober 2010, “Pais Outonomo” – “Antianan Hulandes”, a “Stop di Eksisti”, dia pues ku e a bira – “INDEPENDIENTE” – di Reinado Hulandes. Anto esaki ainda NO ta tur, nunca nos relashonan ku Hulanda tabata bon, sigur NO for di introdukshon di e “Statuto FIKTISIO”. Dia 17 di mei 2008 den un otro programa di telebishon ‘Raymann is laat’, Prof. mr. Pieter van Vollenhoven komo ex-voorzitter di e comité 2004, a deklara: “Onze verhoudingen zijn niet goed. Ze zijn NIET goed. We móéten uit elkaar of geven het Koninkrijk een nieuw elan”. Awor ta Mas ku LOGIKO ku e “Areglo Estatal FATAL” – “Pais Outonomo”, Hamas pero Hamas Nos Por Duna e Koninkrijk aki “Een Nieuw Elan”, kieren “LOGIKAMENTE”, Nos Mester, pero “MESTER” – “Bai For di Otro”, bira “INDEPENDIENTE” di “Otro Pafó di Reinado Hulandes”.

Pa e Solo HECHO ku “Pais Outonomo” Definitivamente for di 10 di oktober 2010, “Nasimentu di un Epoko NOBO den Hulanda su relashonan ku Nos Seis Berdadero ISLANAN Tan Stima”, “Tragikamente Tur Pais Outonomo ta – “INDEPENDIENTE” den e Propio Koninkrijk aki. Esta Hulanda komo “Autonom Land” na “Kabes di Reinado Hulandes, Korsou, Aruba i Sint-Maarten”, “Tur Kuarto ta INDEPENDIENTE di Otro den e Propio Koninkrijk aki”!!

E “Nieuw Elan”, “for di 10 di oktober 2010, a bin ta konta pa e Tres berdadero ISLANAN ruman SO”, esta “Boneiru, Saba i Sint-Eustatius”. “Nan komo” - “Bijzondere Gemeente” - di e “Berdadero PAIS Hulanda, esaki ta Loke Nos Historia Politiko a Bin ta Dikta for di 10 di oktober 2010”, den “Nan Relashon NOBO i Duradero ku Hulanda for di 10-10-10”!!

E “Penibel Realidat di Bida ta Awor”: “E “RECHASO” pa Bira “Gemeente” di Hulanda “NO Riba Inisiativa di Politiek Den Haag”, for di 10 di oktober 2010, Nos Pueblonan Respet den es Mundu Ekstremadamente DIFISIL aki na Korsou i Aruba, “DETERMINADAMENTE”, “Nan ta Kambiando e Nashonalidat Hulandes NASI pa esun Venezolano”. “LOGIKO” pa e “Hecho ku Korsou i Aruba NO”, “NO” ta “Ubika den e Awanan Teritorial di e berdadero Pais Hulanda, sino “Geografikamente Nan ta Ubika” – “PERMANENTEMENTE” - den e “Awanan Teritorial di e Otro Berdadero Pais”, “Venezuela”. “Venezuela ku ta e Berdadero Madre Patria” – “GEOGRAFIKO” – di Korsou, Aruba i Boneiru”, “Hulanda NO”- “NO”!!

Aña pasa 15 di desember 2024, dia ku e Statuto a Kumpli 70 Aña di Eksistensia, Mester

CONTINUA PAG 11

DESEMBER 15, 2025 STATUTO, DIA SKUR REALISANDO INDEPENDENSIA PA KORSOU, ARUBA I SINT MAARTEN

CONTINUACION PAG 10

pero MESTER a Tene Referendum na Korsou, Aruba i Sint Maarten, pa “LIBERA” Nan Pueblonan for di e “Areglo Estatal Fiktisio FATAL” – “Pais Outonomo”. Debi ku e Referendum nan NO a tuma lug, anto “LOGIKAMENTE”, e “Aregonan Estatal FATAL pa e Nashonalidat Hulandes” di “Nos Pueblonan Respeta”, Keto Bai, awe i e otro dlanan ku lo sigui, “Nan ta LIBERANDO”, “Nos Tres Pueblonan Outonomo for di e Nashonalidat Hulandes”, “Korsou i Aruba” – “KAMBIANDO” – esaki pa e “Nashonalidat Venezolano, anto 100%, Lamentablemente NO Tin Awa pa Laba”. “Esun of esnan ku bisa ku e KAMBIO aki NO ta Andando Definitivamente for di 10 di oktober 2010, ta hende of hendenan ku NO ta bibando den e Koninkrijk aki, sino ta di vakashon den e Reinado aki pa algun dia of siman(nan)”!! “Klaro ku e Kambio Definitivo aki NO ta mi deseo, tur kontrali, masha añanan largo”

komo “onafhankelijke onderzoeke Koninkrijksrelaties”, “ku masha hopi respet mes”, “denter di e Don di Pas di Kristu Hesus”, mi ta “AVISANDO riba e Penibel Realidatnan di Bida aki den Masha Medionan di Komunikashon”. Ta di lamenta ku nunca mi ta wordu tuma na serio paso mi NO ta akademiko, ku tur respet pa esnan ku SI ta. Mi ta “Tata Partikular” di e “Identidat Huridiko” (Juridische Identiteit) – “Hulandes Karibense”, kual ta “Posishon di Nos Sagrado Derecho i Rikesanan Hulandes, konforme Tratadonan Internashonal Akorda ku Nashonan Uni pa ku Nos Derechonan i Rikesanan Hulandes 10-12-1948”, Posishon komo tal ku “mi a Inventa aki den e Parti Oropeo di Reinado Hulandes den luna di september 1992”!! E Instituto Gubernamental KABNA, den su “Karta Historiko” di korespondensia ku mi persona fecha 30 di november 1993 (Onderwerp: Oprichting steunpunt voor Caribische Nederlanders), ta prueba

esaki palpablemente, esaki ta “Nos Identidat Nobo” for di e Fecha Historiko menshona (30-11-1993), sin gaba mi mes, semper komo “Boluntario”, sin nunca kompeti ku niun hende. “Europees en Caribische Nederlanders zijn beide gelijkwaardige onderdanen van het Koninkrijk der Nederlanden”!! “Ku e Areglo Estatal Fatal Pais Outonomo, for di 10-10-10, Masha Imposiblemente por tin PAS pa ku Destino di Nos Propio Pober Kriaturanan i Hobenan NASI ku e Nashonalidat Hulandes den Karibe Hulandes, den es Mundu Ekstremadamente DIFISIL aki”!! E Koninkrijksstatuut Fiktisio, Kontrakt di Independensia, dimes lamentablemente NO ta Rekonose Posishon di Nos Fundamental Derechonan i Rikesanan Hulandes, pa e Hecho ku e ta Nada Otro ku un “Overgangsperiode naar de Onafhankelijkheid voor ieder deelnemend Autonom Land in het Koninkrijk der Nederlanden”. “E Karta Historiko di KABNA pues, ta pasa leuw riba e Statuto, ku for di e otro Fecha Historiko 10 di oktober 2010, tin Nos Pueblonan Outonomo den Karibe Hulandes, den un Relashon Determinadamente TERMINAL ku Hulanda, basa riba e Areglo Estatal FATAL manera ya hopi bon splika i eduka ku masha respet. Tan profundamente tristo for di 10-10-10, Definitivamente Kambiando e Nashonalidat Hulandes pa esun Venezolano”. “U’n ta

pornada entre otro ‘Raad van State’ a bati alarma ku su rapport di Urgensia, algun luna prome ku e Statuto a kumpli 50 aña di eksistensia dia 15 di desember 2004”!!!! Christelikhheid halve (met alle respect en medechristelikhheid affectie voor ieder andere), Augustin Ch. Stamper (onafhankelijke onderzoeke Koninkrijksrelaties en geloofsconflicten onder onze mensheid, al mijn berichten in de materie koninkrijksrelaties en christelijk geloof en geloof in het algemeen, zijn respectvol gebaseerd op voldongen feiten en logica, vooral onderzoeker naar de gruwelijk onsterfelijke kracht en macht van het

kwaad en geloofsconflicten onder alle kinderen van de Almachtige Schepper, bedenker van de allerhoogste functie in ons christendom – discipel binnen de gave van macht van vrede van Jezus Christus - voor 100% bescherming tegen de gruwelijk onsterfelijke krachtenmacht van eeuwig lijden van Satan (666), die 100% bescherming met de zegening van de Schepper van Hemel en Aarde, Hij die alles wat hier op aarde leeft in vrede geschapen heeft, ook bedenker van het machtigste gebed op aarde, tegen die allergrootste onsterfelijke vijand in kwestie; Levens Credo 10, 25-12) E-mail: nosderechonan@hotmail.com Facebook: Augustin Stamper



Clasificados

SOLODIPUEBLO@GMAIL.COM
CEL. 585 9500





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - December 15, 2025

 Sorteo # 4834 7012 1748 8475  X2  Sorteo # 4834 7910  FP  Sorteo # 2890 4080  Sorteo # 4834 3094 Virgo  Sorteo # 1708 536  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 100.000,-  Sorteo # 0 x Jackpot 0 x Match 4 0 x Afl. 8,00 53.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-  Afl. 440.000,-  Sorteo # #VALUE! 
--	---

Traspaso di erfpachtakte

Diesshete ciudadano porfin ta doño di nan mesun cas



Durante años varios habitante di casnan di pueblo rond di Aruba a haya chens pa cumpra e cas cu nan ta bibando aden pa hopi año largo. Varios a tuma e oportunidad aki y a cuminsa e proceso pa cumpra nan cas for di Fundacion Cas Pa Comunidad Arubano (FCCA).

Despues di año, hopi habitante a logra paga nan cas por completo, pero ora a yega pa haci e traspaso a encontra un contratempo pa logra esey, pues e tereno tabata riba nomber di Pais Aruba y a keda años asina. Desde cu Gabinete AVP-Futuro a sinta a pone como meta pa scucha nos comunidad, pa haya sa

kico ta nan preocupacion y pa atende cu nan. Un di e preocupacionnan cu a bin dilanti ta di e habitantenan di e casnan di pueblo.

Mesora Prome Minister mr. Mike Eman a pone man na obra y riba 31 di juli 2025 a yama un reunion cu FCCA, DIP y DLV y na final di e reunion Prome Minister a sali bisa cu e habitantenan lo haya nan acta prome cu año 2025 caba como regalo di Pasco.

Diabierna 17 di december tabata asina leu cu na Fort Zoutman diesshete (17) doño di cas a firma nan erfpachtakte pa por bira propietario di nan cas. Esaki a sosode memey famia di e doño di e casnan, notario Yarzagaray y su

team, y FCCA.

Julie Wever, cu ta director tecnico y comercial di FCCA, a duna palabra di pabien na tur su clientenan cu awor tin nan mesun cas! E esfuerso no tabata entre FCCA su so pero tambe den man den man cu DIP y DLV. Minister di Infraestructura Rene Baba Herdé a remarca cu casnan di pueblo ta un necesidad, asina por a mira rond di nos isla creacion di diferente bario. Ex-mandatarionan manera Mito Croes, E.J. Watty Vos y Henny Eman d.f.m. tabata personanan cu a cuminsa na pone atencion, pa haci e cambio necesario den vivienda social.

Prome Minister mr. Mike Eman a subraya e compromiso cu tin cu pueblo, den bishita di Accion di Bario a mira e necesidad aki. Palabra di elogio a bay pa e diferente personanan cu a haci traspaso posibel den corto tempo e.o. Haime Vingal di Ministerio di Asunto General, Luis Boekhoudt di DLV, Robert Maduro y Laurence Quant, Isabel Dammers di DIP, Davy Apuro, Mildred Britten, Julie Wever di FCCA. Jose Marie y Notario Yarzagaray. E no ta facil pa FCCA haya e fondonan necesario pa construi cas. Tur dia FCCA ta labora duro; critica tin hopi for di mantencion y atencion n'e bario; pero e

no ta facil pa maneha 45 area cu cas di pueblo rond di nos isla” premiere Eman a finalisa bisando dunando palabra di elogio na FCCA. Gabinete AVP-Futuro ta yuda alivia e scarcedad di vivienda, stimula y sostiene e proyectonan di construccion basa riba cooperacion entre sector priva y gobierno pa por alivia e demanda pa vivienda di bon calidad y pagabel.

Gobierno ta trahando pa reactiva plan di renovacion y revitalisacion di bario. Yuda nos profesionalnan hoben, famianan hoben pa yega na nan propio cas. Nos grandinan cu lo ta desea pa un lugar mas adecua pa nan biba.

DISSHETE CIUDADANO PORFIN TA DOÑO DI NAN MESUN CAS



Cede di BBQ Cushina di Nestor

Diadomingo 7 di dec.


Menú

- Ham di pasco
- 1/2 galinja jena
- Roast beef mushroom sauce
- Lomito mushroom sauce
- Bbq mix
- Galinja
- Loinribs
- Lomito
- Pincho
- Special
- Salada batata
- Aros con pollo

**Pa pedido por jama
riba 7497071.**
Of pasa na Siribana 45b St Cruz.

Nos kier desea un y tur un
felis dianan di fiesta

DISSHETE CIUDADANO PORFIN TA DOÑO DI NAN MESUN CAS



GRATIS

Scott Stamp world catalogs
NVPH stamp catalogus Nederland
Blanks DVD and Cd,s
DVD casings 1 box
Cassettes blanks 60& 90 minutes
Comic books price guides
Potchi mata plus floreros
VHS Video Films
Domino sets, books etc
cel 5972155

FOR SALE FOR SALE

Items	Price
Kashi chiquito di plastic rimax	50.00
Single bed	200.00
Kashi di panja	500.00
Barstoeken (3)	150.00
Lessenaar 1	150.00
Lessenaar 2	125.00
Frigidaire	250.00
Grasscutter plus gas containers	200.00
Dryer	500.00
Vacuum Cleaner	50.00
Folding plastic white table	75.00
Steel Cabinet good to store tools	100.00
Mesa cu spiel	150.00
Mesa di palo	75.00
Heavy duty paper cutter	50.00
2 Speakers	100.00
Rimax Display rack colored	35.00
For more info 5972155	
email josephr@setarnet aw	

FOR SALE

One 2 PERSON outdoor/indoor
bathtub Jacuzzi
White ,6 feet long x 4 ft wide
in good condition.
For only awg 500.00

Tel 5972155/7461414

SOPI DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA

2. ESQUELETO

3. DISFRAZ

4. MASCARA

5. MIEDO

6. TUMBA

7. MAGIA

8. MONSTRUO
9. TRUCO

10. FANTASMA

11. HECHIZO

12. DULCES

13. MUERTE

14. CALABAZA

15. VAMPIRO

16. GATO

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			



Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Huan 6, 44)

Cristo ta bisa cu ta via di Dios so un hende por yega cerca djE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaias y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.

E DIES MANDAMENTONAN DI DIOS PA TEMPORADA DI ADVENT (CONFESION)

1. Stima y adora bo Senjor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimo manera bo mes.

Akinan nos mester stima Dios mas cu nos mes y mas cu nos famianan.

Den e Ley di Dios aki ta prohibi nos di kere y di participa, den bruheria, den medium, den diosnan falso, den organisacionnan satanico, den illuminationen, den reiki, den reincarnacion, den pactonan satanico, den hypnotismo, den horoscopo, den yoga, den quija board, no pone tatuahenan riba curpa, no marka e 666 riba curpa y no pone e microchip den bo curpa etc. E mesun ley di Dios ta bisa tambe, di stima bo prohimo manera bo mes. Akinan nos mester stima tambe e pobernan, e chollernan, e drogadictonan, e handicapnan, esnan mentalmente malo, bo enemigonan, esnan di tur rasa y religion. Pero nos no mester stima nan pikanan y nan errornan cu nan ta biba aden.

2. No usa e nomber di Dios sin mester.

No menciona e nomber di Dios den bo dichonan y jokenan bulgar, den bo palabranan di blasfemia, den bo palabranan malo etc.

3. Santifica dia di Senjor.

E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un dia di traha den trabao. Diadomingo ta un dia di famia na unda tata y mama ta tuma tempo pa nan yiunan y tambe di bishita famianan. Diadomingo ta dia di Senjor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufrimento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas 22: 19/20, Huan 6: 53/54. Bai Misa riba Diadomingo ta obligatorio.

4. Honra bo tata y bo mama.

Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y den nan famia. Yiunan soberbia cu no ta honra nan tata y mama, nan bida lo bira desaregla y nan matrimonio lo fracasa. Yiunan, cuida boso tata y boso mama te dia cu Dios yamanan.

5. No mata.

Akinan nos mester respeta bida di tur ser humano. Ta Dios tin nos destino den Su man, pa nos laga e mundo aki. No comete crimen, no comete suicidio, no comete abortus, no comete euthanasia.

6. No comete adulterio.

Dios ta uni e pareha den un solo curpa den e Sacramento di Matrimonio den Misa y Dios no ta reconoce divorcio, Marco 10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo no drenta den e Reino di Dios, 1Corinthionan 6: 9/10.

7. No horta.

Akinan nos mester respeta propiedadnan di otro, pasobra ta Dios ta duna nos tur loke cu nos tin mester pa biba. Esnan cu a horta y ta debe otro, nan lo paga nan debenan den purgatorio despues di morto.

8. No lanta falso testimonio riba bo prohimo.

Ganjamento y haci redonan falso ta un pika grandi. No instiga otro cu rabia riba otro, no yena otro cu falsedad y odio, no tuma conseho di personanan pecador y desvia.

9. No comete e pika di fornicacion y e pika di deshonesto.

E pika di fornicacion ta e relacion sexual prohibi pa Dios, cu ta e pika di

curpa. Esaki ta esnan cu ta haci relacion den libertinahe sexual, esnan cu ta biba companja, esnan cu ta casa pa Raad so, e prostitutan y tur relacion sexual pafor di e Sacramento di Matrimonio, ta condenabel. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto y di inmoralidad, ta e hombernan cu a kita nan tradicion natural pa bira homosexual y e muhernan cu a cambia nan tradicion natural pa bira lesbiana. Muhernan a cambia nan tradicion natural pa esnan contra naturalesa. Mescos hombernan a kita nan tradicion natural cu muher y a inflama nan mes den e pasion cu homber, den oral y anal sex. Tambe, e hombernan cu ta masturba y ta usa condom pa benta nan spermanan afo, ta wordo condena. Muhernan cu ta usa tur sorto di anticonceptivonan, pa no sali na estado, ta wordo condena. Den Bijbel

Genesis 38: 6-10, Dios Tata a kita bida di Onan, pasobra Onan tabata benta su spermanan afo. Tur sorto di anticonceptivonan a wordo crea pa satanas pa stop Dios Su autoridad di procreacion humano. Romanonan 1: 26/27, Levitico 18: 22, Levitico 20: 13.

Den 1 Corinthionan 6: 9/10, Cristo Hesus ta avisa, cu ningun di esnan cu ta comete e pika di deshonestidad y e pika di inmoralidad, nan lo no drenta den e Reino di Dios.

10. No codicia cos di otro hende.

No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficionan. No sea envidioso, no sea avaricia, no sea soberbia y no sea lujuria.

Seferino Tromp
Koyari 13-D Cell. 5931157 / 5870048
Id. 57.11.22.40
E-mail: etajuni@yahoo.com

